

<p>52. Umurongo mugari wera udacagaguye ushobora gucibwa ku muhanda kugirango ugaragaze ibi bikurikira:</p> <p>(a) inkombe mpimbano z'umuhanda</p> <p>b) ahahagararwa umwanya muto n'umunini</p> <p>c) ahanyura abayobozi b'amagare</p> <p>d) nta gisubizo cy'ukuri kirimo</p>
<p>53. Buri modoka cyangwa buri romoruki ikuruwe n'iyo modoka bishobora kugira itara risa n'icyatsi kibisi bituma umuyobozi yerekana ko yabonye ikimenyetso cy'uwitegura kumunyuraho. Iryo tara rigomba gushyirwa aha hakurikira:</p> <p>a) hafi y'inguni y'ibumoso bw'ikinyabiziga</p> <p>b) inyuma hafi y'impera y'iburyo bw'ikinyabiziga</p> <p>c) inyuma ahagereye inguni y'iburyo</p> <p>(d) nta gisubizo cy'ukuri kirimo</p>
<p>54. Ibinyabiziga bikurikira bigomba kugira icyerekana umuvuduko kiri aho umuyobozi areba neza kandi kigahora kitabwaho kugirango kigume gukora neza:</p> <p>a) ibinyabiziga bifite umuvuduko nibura wa km 60 mu isaha</p> <p>(b) ibinyabiziga bishobora kurenza km 40 mu isaha</p> <p>c) ibinyabiziga bishobora kurenza km 30 mu isaha</p> <p>d) ibinyabiziga bishobora kurenza km 25 mu isaha</p>
<p>55. Ubugari bw'imizigo yikorewe n'ipikipiki idafite akanyabiziga ko kuruhande kimwe n'ubwa romoruki ikuruwe na bene icyo kinyabiziga ntibushobora kurenza ibipimo bikurikira:</p> <p>(a) m 1.25</p> <p>b) cm 30</p> <p>c) cm 75</p> <p>d) nta gisubizo cy'ukuri kirimo</p>
<p>56. Ibinyabiziga bikurikira bigomba kugira itara ry'ubururu rimyatsa riboneka mu mpande zose:</p> <p>a) ibinyabiziga bifite ubugari burenga m 2 na cm 10</p> <p>b) ibinyabiziga bya police y'igihugu</p> <p>(c) ibinyabiziga ndakumirwa</p> <p>d) ibisubizo byose ni ukuri</p>